

# JISŌS WŌT EJ KŌJĀM ÑAN LAÑ

Kōttōpar ko an katak in:

- Kwaļok bwe Jisōs wōt ej iaļ ñan lañ.
- Kwaļok bwe Jisōs e kōṅaan kabwe aikuj ko reļap an armej.
- Kwaļok bwe Setan ej riab im ṁoṅe armej.
- Kwaļok kōn aorōken mej eo an Jisōs ioon debwāāl.

Meļeļe ko reļap ilo katak in:

- Jen lo bwe e jab jimwe aolep wāween kabuñ im aolep iaļ ñan lañ.
- Jen lo bwe Setan e kōṅaan bwe jen ļōmṁak bwe eṁṁan iaļ ko an.
- Jen lo bwe Jisōs wōt e maroñ ļoṁṁoren kōj im letok mour indeeo.
- Jen lo bwe Jisōs ej juon Seperd eṁṁan.

Ilo kar raan ko an Jisōs, elōñ armej raar tap sip. Jisōs ej kōjerbal wan joñak an sip ke Ej katakin kōj kōn iaļ ñan mour.


## 1. Jisōs ear kwaļok bwe E kōjām in sip ko.



*Jon 10:7 Innām Jisōs e bar ba ñan er, “E ṁool, e ṁool, Ij ba ñan koṁ, Ña kōjām in sip ko.”*

E lukkuun kar aorōk sip ilo tōr eo an Jisōs. Kōn an ṁōrā im e jeja an wōt ilo ānen Israel, ri lale sip, ak seperd ro, raar aikuj in pukot wūjooj ilo jikin ko retto ļok jān ṁo ko imweir. Jet iien joñan an etto ļok jikin kein, ear jab bwe iien an seperd eo im sip ro nejin roļ ñan worwor eo ikijjien ṁweo imōn. Kōn men in, raar aikuj in kiki ilo meļaj ko. Jet iien raar kiki ilo juon roñ ak cave.

Jet iien seperd eo ear kōṁṁane juon worwor kōn dekā ko. Seperd ro re ļak kar āñin ļok sip ko ñan ilowaan worwor eo innām raar kijoñ babu ilo jikin kōjām eo im kiki. Ilo wāween in seperd eo ear erom kōjām in worwor eo. Ilo Jon 10:7 Jisōs ej ba bwe E kōjām in worwor in sip. Bwe? Ñan waan joñak, worwor eo ej jutak kōn mour indeeo. Ewor juon wōt wāween jimwe in deļoñ ilo worwor eo. Juon wōt kōjām eṁool. Wōn ej kōjām eo? Jisōs. Jisōs ej iaļ eo wōt ñan mour indeeo.



Ñan ro me re jab pād ilo worwor eo, Setan ej kajjioñ in kareel er bwe eṁṁanļok aer mour ñe re jab lowan worwor eo. Re maroñ anemkwōj. Im eļāñe rej deļoñ ippān ro jet me rej ļoor Kraist, armej ro jet re maroñ kakūtōtō kake er. Bōtab Setan ej ri riab im ri ṁoṅ. Iaļ ko me armej rej ļōmṁak reṁṁan, renaaj jeṁļok in nana.



*JK 14:12 Ewor iaļ āinwōt iaļ e jimwe ñan juon armej; a jeṁļokōn, iaļ ko in mej.*

Kememej naan ko an Setan ñan Iv. Setan ear kōṇaan bwe en lōmṇak bwe enaaj emṇanḷok an mour eḷañṇe e jab pokake Anij. Iv ear tōmak Setan im jorrāan.

## 2. Elōñ riab in kōjām ko.



*Jon 10:8 Ro otemjej raar itok ṇokta jān Eō, rej ri kōṭ im ri rakimi, a sip raar jab eṇroñ er.*

Eḷak Jisōs ba bwe elōñ kōjām ñan lañ, innām e oktak im ba elōñ bwijin riab in kōjām ñan lañ. Ilo ṇool Jisōs ear jab watōk rein otemjej me raar itok ṇokta kōjām ko re ṇool. Ej watōk er ri rakim im ri kōṭ! Ke Jisōs ear kwaḷok naan kein, Ear kōnono kōn armej ro me raar jutak iṇaan. Ear kōnono kōn Parisi ro im Sadusi ro.

Kattar wōt jidik. Parisi rein im Sadusi rein raar ri kaki in kabuñ. Raar kabuñ ñan Jeova Anij im raar jiroñ armej bwe ren kōjparok kien ko An bwe ren bōk mour. Ta e nana men kien ke? Kien ko an Anij re jab nana, ak eḷañṇe raar katakin armej bwe renaaj mour kōn aer kōmṇan men kein, innām re bōd! Je ban mour indeeo kōn ad kabuñ ñan Anij im kōjparok kien ko An. Jej ri jerōwiwi. Oṇean jerōwiwi mej.

Jej aikuj bwe jen wānōk joñan wōt Anij. Bōtab eṇōj ad buñ kadede jān wānōk eo An. Elōñ juon wōt men e maroñ lōmṇoren kōj. Elōñ juon wōt men enaaj kawānōk kōj iṇaan mejān Anij. Men eo ej bōtōktōken Jisōs. Lōmṇor ej kōn tōmak Jisōs e jepel jān jerbal ko ad make.



*Rom 3:28 Innām jej lōmṇak bwe kōwānōk armej kōn tōmak, e jepel jān jerbal ko an kien.*

Eñin iaḷ eo wōt ñan Anij. Kōn men in, ñe juon ri kaki ak juon kabuñ ej kwaḷok bar juon iaḷ, innām ej bōd. Ñan waan joñak, etke jej kananaik taktō ro kōn an bōd kilen aer taktaiki kōj, ak jejab inebata ñe e bōd kilin an juon kabuñ katakin kōj? Eṇōj ke aṇ roñ an juon armej ba men in: “Kwōn jab kananaik taktō ro bwe jej aolep kautiej ājmuur. Elōñ bwijin kain im wāween taktō!” Ejjeḷok enaaj ba men in. Bwe ñe e bōd jerbal ko an juon taktō, je maroñ mej.

Innām etke jej ba ejja naan kein wōt ikijjien kabuñ? Etke jej ba bwe jej aolep kabuñ ñan juon wōt Anij im elōñ bwijin iaḷ ñan Anij? Ta ṇool ke e aorōk ḷok ājmuur in ānbwin jān ājmuur in jetōb? Jisōs ear kwaḷok jete iaḷ ko re jimwe? Juon wōt. Im jete iaḷ ko re bōd? Bwijin bwijin. Jisōs ej iaḷ eo wōt ñan Anij.

## 3. Elōñ juon wōt kōjām ñan Anij, im elōñ juon wōt wāween deḷoñ ilo kōjām in.



*Jon 10:9 Ña aor; eḷañṇe jabdewōt armej ej deḷoñ kōn Ña, e naaj mour, im enaaj deḷoñ im diwōj, im lo kijen.*

Ilo eoon in Jisōs ej bar kwaḷok bwe E wōt aor eo, ak kōjām eo, ñan Anij. Ej barāinwōt ba bwe eḷañṇe juon armej enaaj deḷoñ ilo kōjām in, innām ruo men renaaj waḷok ñan e.

Juon, enaaj mour. Ruo, enaaj deḷoñ im diwōj im lo kijen. Mour ej jutak kōn mour indeeo. Men eo juon ej kōmmeḷeḷeik kōj kōn kaddadin mour indeeo. Jen jab melōkḷok bwe Jisōs ej waan joñak kōn wāween mour an sip. Elap an sip ko jokwane ñe re jeḷā bwe re ban jorrāan im bwe ewor kijeir. Ñe juon sip e

jeļā bwe elōñ oļip ak ļaiōn tu nabōjin oror eo, e ban diwōj. Bōtab Jisōs ej ba bwe sip ko nejin renaaj deļoņ im diwōj aolep iien. Im renaaj lo ta? Kijeir aolep iien.



*Sam 23:1 Jeova aō seperd I jāmin aikuj.*


E lukkuun kajoor naan in “jāmin” ke? Eļāñne kwōj tōmak bwe kwōnaaj mour indeeo ippān Anij ñe eņņan aņ tiljek ñan Anij, innām kwō jab maroņ kōnono āindein.

Emāat aolep aikuj ko ad ippān Kraist eļāñne jej lōke tokjān jermal ko An ñan ļomōoren kōj. Ejab bwe aņ tōmak bwe ewor mour indeeo. Men eo e aorōk ej eņin: ta eo kwōj ļōmņak kōn mour indeeo im kōn wāween bōk e?

Jet armej rej ba bwe men ko ilo Bible reņņan ñan jet, ak ewor bar jet book reņņan me rej tōļ armej ñan Anij. Men in ej juon riab an Setan. Bible wōt ej Naan in Anij, im e mool. Book ko jet rej ļōmņak an armej wōt, im ñe jej keidi book kein ippān Bible, jej lo aer oktak im likjab.

#### **4. Kallimur Mokta ej kwalok bwe elōñ juon wōt aor im juon wōt wāween deļoņ.**

Ilo Kallimur Mokta jej lo ruo men: juon, elōñ juon wōt iaļ ñan Anij. Im ruo, elōñ juon wōt wāween bōk iaļ in. Ke Anij ear jiroņ Noa bwe en jeke juon wa, ear lukkuun in kajejjet ļok ñan e kōn wāween kōmņane. Ear ke ba, “Noa, elōñ bwijin wāween jekjek wa. Ijo wōt ke, kwōn jekjek juon wa”? Jaab! Anij ear lukkuun in kaalikkar ñan Noa ta ko en kōmņani.



Barāinwōt Anij ear jiroņ e bwe en kōmņan juon wōt kōjām. Ear jab

ba bwijin. Ear ba juon wōt! Men in ej juon waan joņak ñan kōj kōn wāween ad bōk ļomōor.



Ilo bwebwenato eo kōn Kein im Ebel, jej lo bwe erro raar jimor kabuņ ñan Anij. Ta mool ke Anij ear ba, “Elōñ bwijin wāween kabuņ ñan Eō”? Jaab. Meņe Kein im Ebel raar jimor kabuņ ñan Anij, ear jab bōk men in katok eo an Kein. Bwe? Kōnke Kein ear jab katok kōn juon lamb. Ear jab katok ekkar ñan an Anij ba. Jisōs ear ba bwe E wōt iaļ ñan Anij.

Ñe kwōj tōmak bwe kwōnaaj pād wōt ilo mour in Kristian toun wōt aņ tiljek, kwōj ke tōmak bwe Jisōs ej iaļ eo wōt ñan laņ? Jaab! Ñe kwōj tōmak bwe kwōj aikuj in lōke Jisōs koba jermal, kwōj ke tōmak bwe Jisōs ej iaļ eo wōt ñan laņ? Kwō jab! Kwōj ke tōmak bwe ļomōor ej jermal wōt an Jisōs Kraist jān jinoin ñan jemļoken? Ak kwōj ke tōmak bwe ewor kuņaam?

Ke Jisōs ej ba bwe E aor eo, E kōjām eo, ej meļeļe in bwe E wōt ej ļomōoren kōj. E wōt ej kawānōk kōj. E wōt ej kaiboojoj kōj. E wōt ej kajijet kōj ijo ko ilaņ! Elōñ bwijin iaļ ko re bōd. Elōñ bwijin riab in kōjām ko. Bōtab juon wōt iaļ e jimwe. Jisōs Kraist. Im jej deļoņ ilo iaļ in kōn tōmak.

#### **5. Jisōs e kōņaan bwe en eņņan an armej mour.**



*Jon 10:10 Ri kōt ej itok bwe en kōt im man im kōkkure. Ña Ij itok bwe ren bōk mour, im*

*bwe ren bōk elōñ.*

Jisōs e jab āinwōt Setan. Setan e kōñaan kōkkure armej. Setan ej riab, im ej ba ñan armej bwe e limo loor e im iaļ ko an. Setan ej leļok jidik mōñōñō ñan armej.



*Hibru 11:25 Im lōmñak bwe an eñtaan ippān ro doon Anij eṃman jān mōñōñō ko an jerōwiwi me rej ñan jidik wōt iien.*

Eoon eo ej ba ewor mōñōñō an jerōwiwi, ak ej ñan jidik wōt iien. E riab Setan ke ej ba bwe eṃman iaļ ko an, bwe enaaj jako mōñōñō eo, im jemļoken, mej.

Kallimur ko an Jisōs re mool. Ej ba bwe Ej letok mour im “elōñ,” meļeļein juon mour e kanooj eṃman.



*Jon 6:35 Im Jisōs ej ba ñan er, “Ña pilawā in mour; eo ej itok ñan Eō e jāmin kwōle; im eo ej lōke Eō e jāmin maro indeeo.”*

Mour eo me Jisōs ej letok ej juon mour me ej kōmman bwe en po būruon armej. Ej kabwe aikuj ko aer.

## **6. Jisōs ej Seperd eṃman.**



*Jon 10:11 Ña seperd eṃman. Seperd eṃman ej leļok an mour kōn sip ko.*

Eṃōj an Jisōs kōnaanōk ro rū kaļoran bwe ri tōl ro an kabuñ an ri Ju re ban tōmak E, im renaaj man E. Jisōs ear ba bwe E mōñōñō in mej kōn er. Joñan An yokwe armej, Jisōs ej āinwōt juon seperd eṃman me enaaj leļok an mour bwe sip ko ren mour.

Aiseia ear bar ba bwe Jisōs enaaj eñtaan im mej kōn armej.



*Aiseia 53:4,5 E mool Ear inee k eñtaan ko ad, im bōkļok būromōj ko ad; a jaar lōmñak bwe Anij ear man E, im deñļok E, im kaeñtaan E. A eṃōj wākare E kōn jerōwiwi ko ad, im kakinejnej E kōn bōd ko ad; kaje eo an adwōj aenōmman ear pād ioon, im kājmour kōj kōn depetpet ko An.*

## **7. Jisōs ej iaļ, im mool, im mour.**



*Jon 14:6 Jisōs e ba ñan e, “Ña iaļ, im mool, im mour. Ejjeļok armej ej itok ñan Jema, eļaññe jab kōn Eō.”*

Jisōs ej iaļ eo wōt ñan Anij im mour indeeo. Ej kwaļok ñan kōj Naan in Anij, im aolep men ko Ej ba re mool. E wōt e maroñ in lōmooren kōj jān mej indeeo im jepel jān Anij. E wōt e maroñ letok mour indeeo.

---

Kajjitōk ko

1. Elōñ juon wōt Anij, bōtab jete iaļ ñan lañ?
2. Jisōs ear ba bwe ear āinwōt ta?
3. Etke Seperd eo ear babu ilo jikin kōjām in wōrwōr eo?
4. Worwor eo ej jutak kōn ta?
5. Elōñ jete wāween deļoñ ilowaan wōrwōr eo?
6. Elōñ jete wāween bōk mour indeeo?
7. Elōñ ke riab in kōjām ñan lañ?
8. Etke Bible ej ba bwe Jisōs ej Seperd emman?
9. Jisōs ear ba bwe aolep kabuñ ko im remman ke?
10. Jisōs ear ba bwe elōñ jete iaļ ñan lañ?
11. Ewi juon waan joñak ilo Kallimur Mokta kōn juon wāween kabuñ e bōd?
12. Ewi kōjām eo wōt im enaaj tōl kōj ñan lañ?